



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Briet, Philippe

Parisiis, 1649

Nvm. 4. Politia.

urn:nbn:de:hbz:466:1-13167

Aspectutoruo omnes sunt, omnes comam nutriunt ad terrorem. Nemo se putat ignobilem licet subulcus aut pastor, & verò in familiis officia distribuuntur sorte. Bellatores optimi, & laboris patientissimi. Reliqui indigenæ ab his moribus non multùm absunt, aut suæ Gentis mores retinuere. Apud omnes puellæ ad nuptias rapiuntur, sed repudiantur facile: ritum Græcum sequuntur Valachi degentes in montibus, aut per totam Transyluaniam sparsi, reliqui aut Catholici, aut Caluinistæ, vel Lutherani.

NVM. 4. *Polisia.*

DIV paruit Regibus Hungariæ, qui hanc per Vaiuodam administrabat delectum à Ciculis, Saxonibus, & Valachis. Sed tandem iugum excusit Io. Zapolia, qui varias expertus vires ad Solymanum confudit; post mortem eius filij, electus est Stephanus Batorius vir fortissimus; exinde variæ turbæ exarsere, quas Turca, & Austriacus fouere. Nostrâ ætate Betleem Gabor celeberrimus extitit, cui Ragoskius successit, in Germanicis bellis celebres.

CICVLI verò ex quo in Transyluaniam transiere omnino immunes secundùm leges suas vixere. Sed sub Io. Sigismundo filio Zapoliaz, amisere libertatem, præterquam in sede Orbay ob rebellionem. Sub Mose Ciculo iugum excutere conati sunt, sed grauius ferre compulsi, eisque decimæ impositæ sunt, quæ tandem sublatæ sunt quando Gabriel Betleem Gabor, ex priuato factus est Princeps,

§. 12. *De Hungaria.*NVM. I. *Origo Hungarorum.*

HÆC multis fabellis implicita est. Narrat Iornandes Gothus Alirumnam quandam mulierem Scythicam humanâ specie maiorem, eiec tam ex castris Gothorum quod parùm pudicè viueret, Mæotim paludem transisse, hicque in sylvis à dæmone compressam multos edidisse monstruosos partus, ex quibus Hungari prognati. Alij fingunt Faunos & Satyros eorum parentes. Probabilius existimant alij, venatores dum feram inseguuntur ultra Mæo-

Qq iij